

丁氏醫學叢書

# 歷代名醫列傳

總發行所上海文明書局



北京中醫藥大學圖書館版權所有

# 歷代名醫列傳序

冬。穴。夏。巢。茹。毛。飲。血。之。世。民。智。未。啟。皆。以。疾。病。爲。鬼。神。所。崇。欲。免。其。病。惟。有。媚。鬼。神。尙。祈。禱。而。已。是。時。狂。狂。獠。獠。居。處。無。定。所。未。識。耕。種。畜。牧。之。法。以。自。然。產。生。之。植。物。爲。生。活。資。料。草。木。中。含。有。催。吐。促。瀉。之。性。質。者。亦。徑。取。食。之。屢。食。而。屢。吐。屢。瀉。始。知。某。草。某。木。不。可。作。食。料。此。藥。物。學。知。識。所。濫。觴。也。未。識。紡。織。建。築。之。法。露。宿。風。餐。夏。與。烈。日。爭。冬。與。霜。雪。爭。其。皮。膚。之。鞏。固。皆。以。寒。暑。風。雨。鍛。煉。成。之。所。以。感。冒。諸。症。甚。少。而。鬪。爭。掠。奪。比。比。皆。是。以。外。創。咬。傷。之。患。爲。多。食。物。不。能。預。爲。之。備。有。則。飽。餐。無。則。絕。食。是。以。消。化。器。病。最。夥。設。心。窩。苦。悶。欲。使。之。緩。解。者。則。服。催。吐。之。草。木。或。便。閉。腹。脹。覺。有。不。愉。快。者。則。服。促。瀉。之。草。木。以。人。工。排。除。痛。苦。之。觀。念。由。是。生。焉。此。醫。學。智。識。所。濫。觴。也。由。是。醫。病。之。法。有。藥。物。有。祈。禱。有。卜。筮。呪。咀。等。一。切。迷。信。之。行。爲。而。巫。醫。以。一。人。兼。爲。之。遂。握。療。病。之。權。矣。故。孔。子。曰。人。而。無。恒。不。可。以。作。巫。醫。說。文。曰。巫。彭。初。作。醫。世。本。曰。巫。咸。爲。帝。堯。之。醫。

自上古迄周秦以醫名者何止千百人然皆不脫巫之範圍考上古之醫者曰苗父以管爲席以芻爲狗北面而視僅發十言諸扶而來者輿而來者皆平復如故見說苑俞跗治病不以湯藥搗木爲腦芷草爲軀吹竅定腦死者復生見韓詩外傳巫咸之視樹樹枯視鳥鳥墜見於世本此外如岐伯雷公僦貸季鬼臾區等雖散見於內經然皆擇焉而不精語焉而不詳醫藥與術數襍糅而不可究詰故余編纂歷代名醫傳凡周秦前古醫雖散見於各書而史記無列傳者皆付諸蓋闕之例今披史記諸列傳中赫然有扁鵲倉公在是書始於扁鵲據史氏斷限之例也

凡古之名醫皆謂之扁鵲太史公扁鵲傳所傳本非一人故傳中前後之事實有相隔四百餘年之遠者宋王應麟漢書藝文志考證（卷十引黃帝八十一難經序）云秦越人與軒轅時扁鵲相類仍號之爲扁鵲可爲吾說之佐證焉倉公錄醫案以示治病之要上之史氏後世醫案之權輿也華元化雖遺書不傳其醫法如庖丁解牛揮刀而肯綮無礙後世外科手術之嚆矢也漢魏以前之醫方及治療法以張仲景之傷寒金匱集其大成隋唐以前之醫方及治療法以孫思邈之千金方王燾之外臺祕要集其大

成王叔和撰脈經編次傷寒論晉之醫學大家也龐安時錢仲陽許叔微陳無擇陳自明嚴用和其醫法如輪扁斲輪得心應手又如奕秋遇敵著著可法趙宋一代之醫學大家也劉河間以寒涼爲主張子和務瀉實之方李東垣崇脾胃之說朱丹溪持補陰之劑雖斗火盤冰莫宗一是然其孤詣覃思能於纖仄曲徑之中別開一途後世奉爲金元四大家豈無故哉吳有性撰溫疫論發明最多李瀕湖撰本草綱目包羅宏富味其膏腴可以無饑矣有明一代僅取此二人焉

本朝之徐靈胎葉天士陳修園尤在京四家一掃明人蹈襲之陋習其攻守奇正皆可以制勝嘉道間有王清任者實驗屍骸數十年著醫林改錯訂正古書言臟腑之錯誤爲後世醫學改良家之巨擘廣東有黃綽卿者以道光二十年留學歐洲爲吾國人習西醫之鼻祖吾師趙靜涵先生譯述儒門醫學西藥大成內科理法保全生命論等書爲輸入泰西醫學之一大關鍵至今學者猶宗師而俎豆之凡此皆可傳者也西人之發明血液循環者曰哈斐氏發明種牛痘者曰占那氏以醫術名廣東者曰嘉約翰發明細菌學及消毒法改造醫學之根本號稱近世之醫聖者曰古弗氏皆附於傳末仿

阮文達。疇人傳例也。

是書用傳記體。由編纂而成。上起扁鵲。下迄近代。凡成就卓卓。可傳後世者。皆在焉。而碌碌無所短長者。概不濫入。非闕略也。學者果能瀏覽及之。則歷朝醫事之得失。因革及所以進化。所以自畫之故。可以了然於心目間矣。然吾國之薄視醫學。由來已久。范蔚宗作後漢書。以醫學下儕於方伎。後世作史者。因之遂以醫學爲小道。唐書方伎傳叙曰。凡推步。卜相。醫巧。皆伎也。前聖不以爲教也。朱子小學箋注曰。孫思邈爲唐名進士。因知醫。貶爲技。流惜哉。吾國之風習如此。吾知是書一出。僅與李濂之醫史。甘伯宗之名醫傳。在若存若亡之間。以備好事者之插架焉耳。

宣統元年己酉十一月中旬。無錫丁福保仲祐識於滬寓。

# 歷代名醫列傳目次

周

扁鵲

漢

倉公

書曾文正公論史遷扁鵲倉公傳後

後漢

張仲景

華陀

晉

王叔和

皇甫謐

隋

歷代名醫列傳 目次

一

五

十七

十九

二十六

三十三

三十四

孫思邈……………三十六

唐

王 燾……………四十二

宋

龐安時……………四十四

錢仲陽……………四十六

許叔微……………五十

陳良甫……………五十二

陳無擇……………五十三

嚴用和……………五十四

金

劉守真……………五十六

張子和……………五十七

元

李東垣.....五十八

羅天益.....六十二

成聊攝.....六十三

朱震亨.....六十四

戴原禮.....六十六

明

李時珍.....六十八

吳又可.....六十九

國朝

葉天士.....七十

徐靈胎.....七十一

陳修園.....七十六

尤在京.....七十七

王勳臣(醫學改良家巨擘).....七十九

黃 寬(中國人始留學歐洲習醫術者).....八十四

趙靜涵(中國始譯外國醫書者).....八十六

附錄

英國

哈斐(發明血液循環者).....八十九

占那(發明種牛痘者).....九十一

美國

嘉約翰.....九十五

德國

古弗(細菌學大家).....九十九

# 歷代名醫列傳

丁氏醫學叢書

南洋大臣考取最優等內科醫士無錫丁福保編纂

扁鵲

良醫爲蒼婆其人非一人也周秦間凡稱良醫皆謂之扁鵲猶釋氏呼

之傳其傳中載醫驗三條文體各異可以證焉其受術於長桑君治號太子病及著難經者秦越人之扁鵲也其診趙簡子者見齊桓侯者國策所謂罵秦武王者鵲冠子所謂對魏文侯者又爲李醯所殺者皆別一扁鵲也後世箋注家反疑年代齟齬曲爲之說矣陋

扁鵲者勃海郡鄭人也姓秦氏名越人少時爲人舍長舍客長桑君過扁鵲獨奇之常謹遇之長桑君亦知扁鵲非常人也出入十餘年乃呼扁鵲私坐閒與語曰我有禁方年老欲傳與公公母泄扁鵲曰敬諾乃出其懷中藥予扁鵲飲是以上池之水三十日當知物矣乃悉取其禁方書盡與扁鵲忽然不見殆非人也扁鵲以其言飲藥三十日

視見垣一方人。以此視病。盡見五臟癥結。特以診脈爲名耳。爲醫或在齊。或在趙。在趙者名扁鵲。當晉昭公時。諸大夫強而公族弱。趙簡子爲大夫。專國事。簡子疾。五日不知人。大夫皆懼。於是召扁鵲。扁鵲入視病。出董安于問扁鵲。扁鵲曰。血脈治也。而何怪。昔秦穆公嘗如此。七日而寤。寤之日。告公孫支與子輿曰。我之帝所甚樂。吾所以久者。適有所學也。帝告我晉國且大亂。五世不安。其後將霸。未老而死。霸者之子。且令而國男女無別。公孫支書而藏之秦策。於是出夫獻公之亂。文公之霸。而襄公敗秦師於殽。而歸縱淫。此子之所聞。今主君之病。與之同。不出三日。必間。間必有言也。居二日半。簡子寤。語諸大夫曰。我之帝所甚樂。與百神遊於鈞天廣樂。九奏萬舞。不類三代之樂。其聲動心。有一熊欲援我。帝命我射之。中熊。熊死。有羆來。我又射之。中羆。羆死。帝甚喜。賜我二笥。皆有副。吾見兒在帝側。帝屬我一翟犬。曰及而子之壯也。以賜之。帝告我晉國且世衰。七世而亡。嬴姓將大敗周人於范魁之西。而亦不能有也。董安于受言。書而藏之。以扁鵲言告簡子。簡子賜扁鵲田四萬畝。其後扁鵲過虢。虢太子死。扁鵲至虢宮門下。問中庶子喜方者。曰。太子何病。國中治穰過於衆事。中庶子曰。太子病血氣不時交錯。而不得泄。暴發於外。則爲中害。精神不能止邪氣。邪氣蓄積而不得泄。是以陽緩而陰

急故暴蹙而死。扁鵲曰：其死何如時？曰：雞鳴至今。曰：收乎？曰：未也。其死未能半日也。言臣齊勃海秦越人也。家在於鄭。未嘗得望精光。侍謁於前也。聞太子不幸而死。臣能生之。中庶子曰：先生得無誕之乎？何以言太子可生也？臣聞上古之時。醫有俞跗。治病不以湯液醴灑。鑿石橋引。案牴毒熨。一撥見病之應。因五藏之輸。乃割皮解肌。訣脈結筋。搦髓腦。揲荒爪幕。湔浣腸胃。漱滌五臟。練精易形。先生之方能若是。則太子可生也。不能若是。而欲生之。曾不可以告咳嬰之兒。終日。扁鵲仰天嘆曰：夫子之爲方也。若以管窺天。以郅視文。越人之爲方也。不待切脉望色。聽聲寫形。言病之所在。聞病之陽。論得其陰。聞病之陰。論得其陽。病應見於大表。不出千里。決者至衆。不可曲止也。子以吾言爲不誠。試入診太子。當聞其耳鳴而鼻張。循其兩股。以至於陰。當尙溫也。中庶子聞扁鵲言。目眩然而不瞋。舌撝然而不下。乃以扁鵲言入報虢君。虢君聞之大驚。出見扁鵲於中闕。曰：竊聞高義之日久矣。然未嘗得拜謁於前也。先生過小國。幸而舉之。偏國寡臣。幸甚。有先生則生。無先生則棄。捐填溝壑。長終而不得反。言未卒。因嚔唏服臆。魂精泄橫。流涕長潛。忽忽承眄。悲不能自止。容貌變更。扁鵲曰：若太子病。所謂尸蹶者也。夫以陽入陰。中動胃。續緣中經維絡。別下於三焦膀胱。是以陽脈下遂。陰脈上爭。會氣閉。

而不通。陰上而陽內行。下內鼓而不起。上外絕而不爲使。上有絕陽之絡。下有破陰之紐。破陰絕陽之色已發。脈亂。故形靜如死狀。太子未死也。夫以陽入陰。支蘭藏者生。以陰入陽。支蘭藏者死。凡此數事。皆五藏蹶中之時。暴作也。良工取之。拙者疑殆。扁鵲乃使弟子子陽厲鍼砥石。以取外三陽五會。有間。太子蘇。乃使子豹爲五分之熨。以八減之劑和責之。以更熨兩脅下。太子起坐。更適陰陽。但服湯二旬而復故。故天下盡以扁鵲爲能生死人。扁鵲曰。越人非能生死人也。此自當生者。越人能使之起耳。扁鵲過齊。齊桓侯客之。入朝見曰。君有疾。在腠理。不治將深。桓侯曰。寡人無疾。扁鵲出。桓侯謂左右曰。醫之好利也。欲以不疾者爲功。後五日。扁鵲復見曰。君有疾。在血脈。不治恐深。桓侯曰。寡人無疾。扁鵲出。桓侯不悅。後五日。扁鵲復見曰。君有疾。在腸胃間。不治將深。桓侯不應。扁鵲出。桓侯不悅。後五日。扁鵲復見。望見桓侯而退走。桓侯使人問其故。扁鵲曰。疾之居腠理也。湯熨之所及也。在血脈。鍼石之所及也。其在腸胃。酒醪之所及也。其在骨髓。雖司命無奈之何。今在骨髓。臣是以無請也。後五日。桓侯體病。使人召扁鵲。扁鵲已逃去。桓侯遂死。使聖人預知微。能使良醫得早從事。則疾可已。身可活也。人之所病。病疾多。而醫之所病。病道少。故病有六不治。驕恣不論於理。一不治也。輕身重財。二

不治也。衣食不能適。三不治也。陰陽并。藏氣不定。四不治也。形羸不能服藥。五不治也。信巫不信醫。六不治也。有此一者。則重難治也。扁鵲名聞天下。過邯鄲。聞貴婦人。卽爲帶下醫。過洛陽。聞周人愛老人。卽爲耳目痺醫。來入咸陽。聞秦人愛小兒。卽爲小兒醫。隨俗爲變。秦太醫令李醯。自知伎不如扁鵲也。使人刺殺之。至今天下言脈者。由扁鵲也。(史記本傳)

### 倉公

淳于意曾爲大倉長及其家居人尙呼爲倉公司馬遷立傳不稱姓名而從世之所稱猶樛里子萬石君也○董份曰意傳尤奇奧非精方書不能解又曰其文亦古間有訛字○倉公傳中之醫案文簡古而理精奧非太史公所能況褚先生耶其詔問以下倉公所自錄上之史氏者太史公修飾之而爲之傳愚儒動疑醫案爲後出不知若無醫案何以見倉公與扁鵲同傳之意乎

太倉公者。齊太倉長。臨菑人也。姓淳于氏。名意。少而喜醫方術。高后八年。更受師同郡元里公乘陽慶。慶年七十餘。無子。使意盡去其故方。更悉以禁方予之。傳黃帝扁鵲之脉書五色診病。知人死生。決嫌疑。定可治。及藥論甚精。受之三年。爲人治病。決死生多驗。然左右行遊諸侯。不以家爲家。或不爲人治病。病家多怨之者。文帝四年中。人上書言意以刑罪。當傳西之長安。意有五女。隨而泣。意怒罵曰。生子不生男。緩急無可使者。

於是少女緹縈傷父之言。乃隨父西。上書曰。妾父爲吏。齊中稱其廉平。今坐法當刑。妾切痛死者不可復生。而刑者不可復續。雖欲改過自新。其道莫由。終不可得。妾願入身爲官婢。以贖父刑罪。使得改行自新也。書聞。上悲其意。此歲中亦除肉刑法。意家居。詔召問所爲治病。死生驗者幾何人。主名爲誰。詔問故太倉長臣意。方伎所長。及所能治病者。有其書無有。皆安受學。受學幾何歲。嘗有所驗。何縣里人也。何病。醫藥已其病之狀。皆何如。具悉而對。臣意對曰。自意少時。喜醫藥。醫藥方。試之多不驗者。至高后八年。得見師臨菑元里公乘陽慶。慶年七十餘。意得見事之。謂意曰。盡去而方書。非是也。慶有古先道遺傳黃帝扁鵲之脈書。五色診病。知人生死。決嫌疑。定可治。及藥論書甚精。我家給富。心愛公。欲盡以我禁方書悉教公。臣意卽曰。幸甚。非意之所敢望也。臣意卽避席再拜。謁受其脈書。上下經。五色診。奇咳術。揆度陰陽外變。藥論石神。接陰陽禁書。受讀解驗之。可一年所。明歲卽驗之。有驗。然尙未精也。要事之三年所。卽嘗已爲人治診病。決死生。有驗。精良。今慶已死十年所。臣意年盡三年。年三十九歲也。齊侍御史成。自言病頭痛。臣意診其脈。告曰。君之病惡。不可言也。卽出。獨告成弟昌曰。此病疽也。內發於腸胃之間。後五日當癰腫。後八日嘔膿死。成之病得之飲酒且內。成卽如期死。所

以知成之病者。臣意切其脉。得肝氣。肝氣濁而靜。此內關之病也。脈法曰。脈長而弦。不得代四時者。其病主在於肝和。卽經主病也。代則絡脉有過。經主病和者。其病得之筋髓裏。其代絕而脈賁者。病得之酒且內。所以知其後五日而癰腫。八日嘔膿死者。切其脉時。少陽初代。代者經病。病去過入。人則去。絡脈主病。當其時。少陽初關一分。故中熱而膿未發也。及五分。則至少陽之界。及八日。則嘔膿死。故上二分而膿發。至界而癰腫。盡泄而死。熱上則熏陽明。爛流絡。流絡動則脉結發。脈結發則爛解。故絡交。熱氣已上行至頭而動。故頭痛。齊王中子諸嬰兒。小子病。召臣意診。切其脈。告曰。氣鬲病。病使人煩。懣食不下。時嘔沫。病得之少憂。數忤食飲。臣意卽爲之作下氣湯以飲之。一日氣下。二日能食。三日卽病愈。所以知小子之病者。診其脉。心氣也。濁躁而輕也。此陽病也。脈法曰。脈來數。病去難。而不一者。病主在心。周身熱。脉盛者爲重陽。重陽者。湯心主。故煩懣食不下。則絡脉有過。絡脈有過。則血上出。血上出者死。此悲心所生也。病得之憂也。齊郎中令循病。衆醫皆以爲蹶中而刺之。臣意診之。曰。湧疝也。令人不得前後洩。循曰。不得前後洩三日矣。臣意飲以火齊湯。一飲得前洩。再飲大洩。三飲而疾愈。病得之內。所以知循病者。切其脉時。右口氣急。脉無五臟氣。右口脉大而數。數者。中下熱而湧。左

爲下。右爲上。皆無五臟應。故曰湧疝。中熱。故溺赤也。齊中御府長信病。臣意入診其脉。告曰。熱病氣也。然暑汗。脉少衰。不死。曰。此病得之。當浴流水而寒甚。已則熱。信曰。唯然。往冬時。爲王使於楚。至莒縣陽周水。而莒橋梁頗壞。信則驢車轅。未欲渡也。馬驚。卽墮。信身入水中。幾死。吏卽來救。信出之水中。衣盡濡。有間而身寒。已熱如火。至今不可以見寒。臣意卽爲之液湯火齊。逐熱。一飲汗盡。再飲熱去。三飲病已。卽使服藥。出入二十日。身無病者。所以知信之病者。切其脉時。并陰。脉法曰。熱病陰陽交者死。切之不交。并陰。并陰者。脉順清而愈。其熱雖未盡。猶活也。腎氣有時閒濁。在太陰脉口而希。是水氣也。腎固主水。故以此知之。失治一時。卽轉爲寒熱。齊王太后病。召臣意入診脉。曰。風痺客脬。難於大小溲。溺赤。臣意飲以火齊湯。一飲卽前後溲。再飲病已。溺如故。病得之流汗出。澹澹者。去衣而汗晞也。所以知齊王太后病者。臣意診其脉。切其太陰之口。濕然。風氣也。脉法曰。沈之而大堅。浮之而大緊者。病主在腎。腎切之而相反也。脈大而躁。大者。膀胱氣也。躁者。中有熱而溺赤。齊章武里曹山跗病。臣意診其脈。曰。肺消痺也。加以寒熱。卽告其人曰。死。不治。適其共養。此不當醫治。法曰。後三日而當狂妄。起行欲走。後五日死。卽如期死。山跗病。得之盛怒。而以接內。所以知山跗之病者。臣意切其脉。肺氣